

## 1.1.2 GAIAREN LANKETA

### > Nor, nolakoa, zer zara zu?



#### - Nolakoa zara zu?

#### • Ni honelakoa naiz: antonimoen bikote-jolasa

##### Helburuak

- Hainbat adjetibo euskaraz ikastea.
- Adjetiboen esanahia ulertzea eta noiz erabili behar diren jakitea.
- Adjetiboak euskaraz erabiltzea.

##### Prozedura

- Lehenik eta behin, umeei azaldu adjetiboak ikasiko dituztela.
- Horretarako, argazki-albumeko argazkiak erakutsi eta banan-banan denak izendatu.
- Antonimoen bikote-jolasean, irudiekin jolas egingo dute. Kontrako esanahia duten irudiak bilatu beharko dituzte.
- Jolas honen helburua kontrakoak aurkitzea da; irudi-irudia elkarketa egitea, alegia.
- Pausuak:
  - Fitxa guztiak mahai gainean jarri ahuspez.
  - Ume guztiak fitxen inguruan jarri.
  - Ume batek fitxa bat jasoko du eta izendatu (irudian dagoena zer den esan); beste fitxa bat jaso eta izendatu
  - Kontrako irudiak badira, gorde egingo ditu, bikotea lortu du-eta. Kasu honetan, berriro bere txanda izango da eta beste bi irudi jasoko ditu.
  - Bi irudiak ezberdinak badira, berriro utziko ditu mahai gainean lehen zeuden tokian, eta, hurrengo umearen txanda izango da.
  - Bikote gehien lortzen dituen umea izango da irabazlea.